

Արձանագրություն N 3

Հայաստանի Հանրապետության Շիրակի մարզի «Ախուրյանի թիվ 1 հիմնական դպրոց» պետական ոչ առևտրային կազմակերպության /այսուհետ՝ ՊՈԱԿ/ ծնողական խորհրդի /այսուհետ՝ Խորհուրդ/ N 3 նիստից՝

կայացած «27» հոկտեմբեր 2022թ.,

խորհրդի անդամների թիվը-«18»,
նիստին մասնակից անդամների թիվը-«18»,
բացակա անդամների թիվը-«0»:

Օրակարգում.-Հայաստանի Հանրապետության Շիրակի մարզի «Ախուրյանի թիվ 1 հիմնական դպրոց» ՊՈԱԿ-ի տնօրենի թափուր պաշտոնի հավակնորդներ՝ Ալինա Արտաշեսի Գեղամյանի և Հայկ Ավագի Ռուշանյանի զարգացման ծրագրերի ներկայացում և քննարկում:

Ծնողական խորհրդի կողմից «Ախուրյանի թիվ 1 հիմնական դպրոց» ՊՈԱԿ-ի տնօրենի թափուր տեղի պաշտոնի հավակնորդների փակ քվեարկություն:

Խորհրդի նախագահ Արմենուհի Գրիգորյանի կողմից առաջարկություն եղավ յուրաքանչյուր հավակնորդին ծրագիրը ներկայացնելու համար տրամադրել 30-րոպե ժամանակ:

Որոշվեց- Հավակնորդները իրենց ծրագրերը ներկայացրեցին այբենական կարգով:

Առաջինը իր ծրագիրը ներկայացրեց Ալինա Գեղամյանը: Նա նշեց, որ համաձայն կարգի հանդիպում է ունեցել դպրոցի սովորողների հետ,ովքեր ներկայացրել են իրենց առաջարկությունները և բողոքները: Սովորողները ցանկացել են առաջնահերթ դպրոցը տեսնել պարսպապատ՝ իրենց անվտանգության համար: Պահանջ են ներկայացրել մարզադահլիճ ապահովելու վերաբերյալ, որպեսզի ֆիզկուլտուրայի դասերը անցկացնեն պատշաճ ձևով: Հավակնորդի հետ զրույցից պարզ է դարձել, որ հանդիպմանը ներկա գտնվող սովորողների 70 տոկոսը պարապում են կրկնուսույցների մոտ,որը ներկայացվեց,որ խնդիր է հանդիսանում դպրոցի համար:

Նորից անդրադարձ կատարեց այն հարցին,որ երգ-երաժշտության ուսուցչուհի Ռ.Սաֆարյանի դասղեկություն ունենալու ցանկությունը հաշվի չի առնվել և դասղեկություն չի տրվել: Նա նշեց,որ դասղեկություն տալու ժամանակ տնօրենը պետք է իրավիճակը ճիշտ գնահատի և վերլուծի հետևանքները, որպեսզի չտուժեն ուսուցիչը և սովորողները՝ հաշվի առնելով նաև ծնողների կարծիքը:

Ա.Գեղամյանը հայտնեց, որ մեծ տպավորություններ է ստացել սովորողներից և նշեց,որ շատ հավանել է երեխաներին:

Տնօրենի ժամանակավոր պաշտոնակատար Գ.Մատինյանը մեջբերում արեց,որ դպրոցը մշտապես ունեցել է շատ լավ շրջանավարտներ՝ այդ թվում մատնացույց անելով հավակնորդ Ա.Գեղամյանին:

Ա.Գեղամյանի ծրագրի ավարտից հետո, իր ծրագիրը ներկայացրեց Հ.Ռուշանյանը :

Նա ներկայացրեց կատարված աշխատանքները . ամառային արձակուրդների ընթացքում խնայված գումարների հաշվին փոխվել են դահլիճի շերտավարագույրները: Շահել են ծրագիր դպրոցի պատուհանները փոխելու համար, նաև պատրաստվում են փոխել դպրոցի գույքը: Նշեց, որ արձակուրդների ընթացքում ուսուցիչները վերապատրաստվել են: Վերապատրաստվել են նաև դպրոցի ժամանակավոր պաշտոնակատար Գ.Մատինյանը և փոխտնօրեն Հ.Ռուշանյանը: Նա տեղեկացրեց, որ համայնքապետարանի և մարզպետարանի նախաձեռնությամբ Ախուրյան համայնքում տարածք է տրամադրվելու «Թումո» կենտրոն բացելու համար, նշեց, որ «Կազա» հիմնադրամը դպրոցին նվիրել է համակարգիչ և տպիչ սարք: Իր նախաձեռնությամբ դպրոցում կառուցվել է թեքահարթակ:

Հ.Ռուշանյանի ելույթի ավարտից հետո ծնողական խորհուրդը ընտրեց հաշվիչ հանձնաժողով՝

1. Մարգարյան Վանուհի-նախագահ
2. Մարկոսյան Գայանե-անդամ
3. Մարտիրոսյան Գայանե-անդամ
4. Իսախրյան Լուսինե-անդամ

Անցկացվեց փակ գաղտնի քվեարկություն: Այնուհետև ծնողների ներկայությամբ դատարկվեց քվեատուփը: Հաշվարկի արդյունքում ձայները բաշխվեցին հետևյալ կերպ.

Ալինա Արտաշեսի Գեղամյան - «9» ձայն
Հայկ Ավագի Ռուշանյան - «9» ձայն

Ընդհանուր թվով 22 քվեաթերթիկներից 18-ը վավեր քվեաթերթիկներ են, թվով 1 քվեաթերթիկ հանձնաժողովի անդամի կողմից քվեաթերթիկի հակառակ կողմում սխալ ուղղությամբ ստորագրելու պատճառով քվեաթերթիկը հանձնաժողովի որոշմամբ խոտանվեց, ևս թվով 3 ավել քվեաթերթիկներ խոտանվեցին:

Քանի որ հավակնորդները հավասար ձայներ հավաքեցին համաձայն կարգի հավակնորդներին ներս հրավիրվեց, հայտարարվեցին արդյունքները, հավակնորդներ՝ Հ. Ռուշանյանը և Ա. Գեղամյանը ինքնաբացարկ չհայտարարեցին:

Անցկացվեց կրկնակի քվեարկություն, որի արդյունքում ձայները բաշխվեցին հետևյալ կերպ.

Ալինա Արտաշեսի Գեղամյան - «10» ձայն
Հայկ Ավագի Ռուշանյան - «8» ձայն


Կրկնակի քվեարկության ժամանակ կար թվով 20 քվեաթերթիկներ, որոնցից 18-ը վավեր քվեաթերթիկներ, թվով՝ 2 ավել քվեաթերթիկներ հանձնաժողովի որոշմամբ խոտանվեցին:


Բոլոր քվեաթերթիկները համաձայն կարգի նույն պահին ծնողական խորհրդի նախագահ՝ Արմենուհի Գրիգորյանի կողմից հանձնվեց կառավարման խորհրդի նախագահ՝ Արտաշես Գևորգյանին:

ՈՐՈՇԵՑ.

27.10.2022 թվականի Հայաստանի Հանրապետության Շիրակի մարզի «Ախուրյանի թիվ 1 հիմնական դպրոց» պետական ոչ առևտրային կազմակերպության /այսուհետ՝ ՊՈԱԿ/ ծնողական խորհրդի նիստի քվեարկության արդյունքները համարել կայացած, որտեղ Ալինա Արտաշեսի Գեղամյանը ստացավ 10 «կողմ» ձայն, իսկ Հայկ Ավագի Ռուշանյանը 8 «կողմ» ձայն:

Հայաստանի հանրապետության Շիրակի մարզի
«Ախուրյանի թիվ 1 հիմնական դպրոց» պետական ոչ առևտրային կազմակերպության

Ծնողական խորհրդի նախագահ՝  Ա. Գրիգորյան

Քարտուղար՝  Ն. Ամրոյան